

Envío de resumos dos traballos: Do **24 de Abril de 2023** ata o **24 de XUÑO DE 2023**.

1. Poden ser traballos orixinais e tamén traballos xa presentados en anteriores congresos durante o ano anterior a data das xornadas (citando o congreso) con excepción dos casos clínicos que só se aceptarán orixinais.

2. Os traballos remitidos poderán ser:

- a. Resultados de Investigación.
- b. Comunicacions de experiencias (organizativa, asistencial, educativo-docente, de intervención comunitaria).
- c. Proxectos de investigación.
- d. Casos clínicos de especial interese no ámbito da Atención Primaria.

3. O número máximo de autores será:

- a. Para Comunicacions de Resultados de Investigación, Proxectos de Investigación e Comunicacions de Experiencias: máximo 6 autores.
- b. Para Comunicacions de Casos clínicos: Máximo 4 autores.

4. **NON DEBE INDICARSE A PROCEDENCIA DO ESTUDO** no título, nin no texto do resumo.

Deberanse evitar alusións que permitan localizar ás persoas ou ó centro en concreto onde se levou a cabo o estudo (será motivo de rexeitamento por parte do Comité Científico).

5. **Non se admitirán** cadros, figuras, nin gráficos no resumo.

6. En caso de **financiamento externo** debe citarse a procedencia do mesmo no apartado axencias de apoio. Se se trata dun ensaio clínico hai que citar o CEIC que concedeu a autorización.

7. Para calquer tipo de comunicación, os autores deberán decidir:

- a. Que **tipo de investigación** elixen (resultado de investigación, proxecto de investigación, comunicación de experiencia ou caso clínico).
- b. O **tipo de presentación** preferida.

8. Aínda que o autor deba indicar se opta por comunicación oral ou tipo póster, o Comité Científico **poderá variar a súa forma definitiva de presentación**, para a mellor organización do congreso, así como incluír o traballo noutras actividades do congreso, mesas, debates, etc., segundo a interese e a liña temática do mesmo.

9. En caso de que a **comunicación** resulte **aceptada**, SERÁ NECESARIO, que **polo menos un autor se inscriba ó congreso** para poder presentala.

10. Os envíos efectuaranse a través da web <http://journal.agamfec.com/index.php/xornadas/> mediante o envío á sección correspondente á investigación elixida.

A estrutura dos diferentes traballos será a seguinte:

RESULTADOS DE INVESTIGACIÓN

As comunicacións de **resultados de investigación** deberán presentar un resumo estruturado (**máximo 350 palabras**) que debe conter os seguintes apartados:

- Obxectivo
- Material e métodos: deseño, ámbito de realización e marco ou nivel de atención sanitaria, criterios de selección, número de suxeitos incluídos, número de suxeitos que responden e abandonos, intervencións (se procede), variables e métodos de avaliación da resposta. Análise estatística, limitacións, aspectos ético-legais.
- Resultados
- Conclusións

EXPERIENCIAS

O grupo de comunicacións sobre **experiencias** ofrece a oportunidade de presentar **experiencias novidasas de tipo organizativo, asistencial, educativo, docente ou de calquera outra esfera** que, pola súa formulación ou polos seus resultados, **poidan ser de especial interese para os asistentes ao congreso**, para o conxunto dos médicos de familia ou da organización sanitaria na que desempeñamos o noso labor. O seu resumo (**máximo 300 palabras**) incluírá os seguintes apartados:

- Obxectivos da experiencia
- Descrición da experiencia
- Conclusións
- Aplicabilidade

PROXECTOS DE INVESTIGACIÓN

O formato para este tipo de comunicacións debe conter os seguintes apartados (**máximo 300 palabras**):

- Obxectivos
- Material e métodos: deseño, lugar de realización e marco ou nivel de atención sanitaria, criterios de selección, número de suxeitos necesarios, muestreo, intervencións, análise estatística, medicións e intervencións, variables que se estudasen, análise estatística proposta, limitacións do estudo.
- Aplicabilidade dos resultados esperados
- Aspectos ético-legais
- Financiamento
- Especificar se é ou non MULTICÉNTRICO

CASOS CLÍNICOS

A comunicación de **casos clínicos** centrarase en pacientes **atendidos fundamentalmente en Atención Primaria** e ós que se realizou un seguimento e se estableceu un diagnóstico, compartido ou non co nivel hospitalario, pero que o labor do Médico de Familia sexa relevante.

Os casos clínicos enviados para a valoración do Comité Científico **poderán referirse ás distintas facetas do traballo do médico de familia**, que van desde a utilización do razoamento clínico, ó manexo da incerteza, actuación ante síntomas ou signos de alarma, necesidade de abordaxe biopsicosocial en diferentes contextos, atención lonxitudinal, actividades de prevención e promoción da saúde, comunicación médico-paciente, problemas bioéticos, etc.

En definitiva, **queremos recibir aqueles casos clínicos** que nos vosos centros poidan ser obxecto dunha sesión clínica e cuxa comunicación ó resto de congresistas poida aportar un mellor coñecemento dos nosos pacientes en Atención Primaria e aumentar a nosa capacidade de resolución de problemas de saúde.

Recoméndase a solicitude do consentimento informado do paciente sobre o que se envíe o caso clínico, considerando, por parte do comité científico, un elemento de calidade a solicitude do mesmo.

O **resumo (máximo 300 palabras)** debe conter os seguintes apartados:

- Ámbito do caso: Atención Primaria, Servizos Urxencias
- Motivos de consulta
- Historia clínica
 - Enfoque individual: Antecedentes persoais, Anamnese, Exploración, Probas complementarias.
 - Enfoque familiar e comunitario: Estudo da familia e a comunidade o Xuízo clínico, diagnóstico diferencial, identificación de problemas.
 - Tratamento, plans de actuación.
 - Evolución.
- Conclusións (e aplicabilidade para a medicina de familia)

PREMIOS

- **Primeiro premio á mellor Comunicación Oral:** Dotado con 500 euros, 300 tras a presentación e 200 tras a publicación do Orixinal en Cadernos de Atención Primaria.¹
- **Segundo premio á mellor Comunicación Oral:** Dotado con 300 euros, 200 tras a presentación e 100 tras a publicación do Orixinal en Cadernos de Atención Primaria.
- **Dous premios aos mellores Casos Clínicos:** Dotados con 100 euros cada un.

¹ A publicación do Orixinal requirirá da presentación do artigo completo. Importes suxeitos a retención.